



Hmong Cultural center
995 university. St paul, MN 55104
651-917-9937. suit 214.

**Hauv paus lus tseem
ceeb cob qhia keeb zeej
txoj kev ua neeg nyob
ntiaj teb kom paub ceev
faj txog lub neej nyob
tau kaj siab lug mus tas
sim neej tsis ntxhov siab**

Major. Tougeu leepalao

Major. Tougeu leepalao.

687 charles ave.st Paul,M.N 55104. H.

995 universty ave, stpaul,MN55104. w.

= **Education:** 1950 Lao grade school certificate phone-avanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military,cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= Experience:

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Samthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.



Hauv paus lus tseem ntsiab qhia noob neej,txoj kev ua neeg nyob ntiaj teb no

1. ua neeg nyob tsav tus cwj pwm txaij zees li noog kaw, neeg tsis pom, thaum ya plaws nruab ntug dawb paug li tus os dej ntiaj teb pom tas.

2. muaj npe hu ua tsov noj nqaij nyoos, koj txhob ntshaw coj los yug zov tsev, koj lam yug dev yug npua yuav zoo tshaj.

3. koj yog tus neeg txawj ntse txaus txhob maj khav theeb thaum koj rov qab qhia koj tus kheej tsis tau leej twg thiaj li yuav quhas koj.

4. Tus neeg txawj, neeg ntse lam tau, lam ua tsis yog, tus neeg ruam qauj xyaum hais lus muab hlob tsiv zeej tsoom suav daws mloog.

5. thaum koj tau noj nqaij ntses,nco ntsoov ua zoo saib pob txha, tsam daig caj pas ces nyob nyuab siab kawg.

6. ua neeg nyob txhob xav noj lub dib loj tshaj,thaum txoj hmoov tsis txog khaws tau lub dib caws maum xwb.

2

7. thaum koj Pom nqaij hno pawg lug saum rooj,txhob maj cev tes muab noj,tej zaum yog kab mob toj taug noj tas txoj siav tsis ntev

8. leej twg xav ua nom ua tswv, lus txawj ntse kom muaj txaus txhob zoo li daim tawv nyuj qhuav thaum mus ze hluav taws ces kub nyhiab caws nrhoj, caws nrheev xwb

9. thaum koj kkaws tau ib lub zoo pov haum,txhob maj khav theeb tej zaum nws yog dab xyob txhiaj koj twb tsis paub zoo.

10. yam cuab yeej koj tsis tau pom,txhob lam cev tes mus kov, yam zaub mov koj tsis tau noj dua txhob maj noj nyob tsam mob plab.

11. Poj niam lub cev qub yog kev cai ntxuav thiaj li yuav tshiab, txiv neej lub cev tsaus yog kev txawj kev ntse coj thiaj li yuav kaj taus.

12. Niam txiv koob hmoov nyhav li lub ntiaj teb, yog tub kiv leej twg ua siab ntev khaws tau lub neej yuav nyob kaj siab lug.

3

13. Laij liaj, laij teb tas muab txiv heev nyuj tua noj, thaum tsov rog tus muab thaib ham tso pov tseg tsis saib tsis xyuas puas yog.

14. Nyuj rog txhia leej txhia tus xav yaim, nyuj yuag txhiaj leej txhia tus sib koom nkaug.

15. ua neeg nyob txom nyem lub cev nyob taus, txom nyem nplooj siab,nplooj ntsws nyob nyuab tshaj plaws.

16. Thaum koj tau caij ntxhw koj txhob maj zoo siab tso dev tso npua pov tseg, thaum muaj tub sab tuaj ze tsev dev npua yuav tom ua suab sab kom koj hnov.

17. ua neeg nyob txhob nrauj koj kwv koj tig tseg txhob tso koj dab koj qhua cia es ho mus teev hawm luag dab, luag qhua,luag teej,luag tug.

18. ua neeg nyob yog hais tias txaus siab lawm txawm nyob deb los yeej hais tias ze, yog hais tias tsis txaus siab lawm txawm nyob ze los yeej hais tias nyob deb.

19. ua neeg nyob yog hais tias nws tsis txaus siab lawm koj txawm ua yog los

luag yeej hais tias ua txhaum, yog hais tias tsis txaus siab lawm koj txawm hais zoo los nws yeej hais tias yog cem xwb.

20. poj niam tus yeeb yam ntxwv zoo li lub tawb qhov muag pov hauv dej dej ntws tog twg kuj tau, txiv neej tus yeeb yam ntxwv zoo li lub pob zeb pov hauv dej rub tsis ua zog.

21. koj xav nyuab siab mus lees ua luag pov thawj, koj xav sib cav sib ceg mus yuav niam hlob niam yau ntau tus los nyob ua ib tse.

22. ua neeg nyob txhob xav tias koj yog hlau, luag twb yog pob zeb, txhob xav tias koj yog riam luag twb yog chais .

23. ua ib tug poj niam zoo kom sawv ntxov li uab lag txawj nrhiav noj li tus poj qaib coj ib zag me nyuam.

24. Hlub koj tus tsiaj kom muab hlua khi tseg, hlub koj tus me nyuam kom qhuab qhia txaus nkaus.

25. Lub xauv zoo nkauj yog cov khawb thiab daim phiaj, tus txiv yuav muaj hwj chim yog tus poj niam ua tus tu xwb .

26. Luag tsis tau tsa ncauj hu, koj txhob lam teb, luag tsis tau tsa tes thov koj txhob maj cev tes mus pab.

27. ua zos nyob tom hav zoov, tsev twb yuav vau, ua tsev nyob ntawm ntug dej kiag tsis tau ntses nrog luag noj li.

28. muaj zoo lus mas muab faus cia 3 dag tob , muaj phem lus mas muab rho tawm 9 dag ntev puas yog.

29. \$ 10,000 nyob sab ntuj tim ub txhob maj ntshaw mus yuav \$ 200,00 nyob ntawm koj tes ua zoo khaws tseg mog.

30. Tau poj niam tsim txiaj,cuag li tau kub tau kaus tau poj niam phem cuag li koj ua neej nrog ib xub dab ntxaug.

31. ua neeg nyob ntiaj teb no koj muaj nyiaj ntau tsis lam nrog luag sib twv pluag, koj muaj tub coob tsis lam nrog luag sib twv tuag.

32. ua neej txom nyem tsis muaj kwv tij neej tsa txheeb ze ib tug , ua neej zoo kwv tij neej tsa muaj coob pawg lug.

33. ua neeg nyob ntiaj teb no yog koj hnav tsoos tsho txawv dev pom dev yuav

tom, yog koj pheej siv tej qub lus ntau lub neej yuav tsis sib haum.

34. ua neeg nyob koj txhob mus ntseeg luag hais nyob tsam ntxhov koj siab.

35. koj pom luag quaj tsis txhob lam luag, koj pom luag neeg tuag, tsis txhob lam nyhos,koj pom luag ntog pab cev tes rub , kev sib hlub yog kev vam meej.

36. Os yog tus nteg qe, qaib yog tus puag daug, cua nab thiab ntsaum kab rwg yog tus pub rau noj hlob, ua li koob hmoov yog leej twg thiaj tsim nyog yuav tau.

37. Thaum muaj noj,muaj haus mas tsis xav hu,thaum muaj num ntau mas thiaj xav txib xwb.

38. neeg coob pom teb chaws vam meej nroo ntws, dab coob mas qig tsiaj txhu, qig xyab ntawv, qig qaib npua xwb.

39. tej laus hais tias: txiv muam ntau puas dab, puas qhua, tsa nom, tsa tswv ntau tus puas lub teb lub chaws.

40. Tsov txaij nraum daim tawv, neeg txaij hauv lub plawv koj tsis paub.

41. nyaj nyiaj nyeem thiaj tau noj qab, nyiaj no nkaug ntsim thiaj tau nyiaj tau kub los puv hnab.

42. poob luag ntuj yuav tsum nyob yoog raws luag txuj,poob luag teb yuav tsum nyob raws luag ci.

43. qiv luag toj yug yaj, qiv luag tais tsau ntxhai, yuav tsum nyob yoog luag kev, coj raws li luag txoj cai.

44. Koj txoj hmoov sawm mus li cas, koj yuav tsum nyob mus li ntawd xwb.

45. ua neeg, yog koj noj ntau yuav ua kab mob, yog koj noj tsawg yuav zoo ua tshuaj.

46. ua neeg, ncauj ntau poob hwj chim, lub siab coob poob nyiaj txiag dawb.

47. tus neeg nyiam cuav zos tsis cuav zos kub nws siab tus neeg nyiam pw nruab hnub tsis pw yuav ua mob, tus neeg muab hlob tsis muab hlob ze qhov nws yuav tuag.

48. Tus neeg coj neem tua tsiaj qus, dais npua teb noj pob kws tas, tus neeg ua saub cog nplej pob kws tsis siav

49. dej tsis txaus siv, txua thoob los tos nag yog kwv tij tsawg ntaus kev phooj ywg ntxiv rau
50. ntau yav ntoo coj los ua laj kab thiaj yuav ruaj, kwv tij phooj ywg coob ua lub neej thiaj li yuav khov.
51. Txhob lam tua neeg zoo, tsis txhob khav ntaus neeg seej, neeg txom nyem.
52. tsis txhob khav theeb kev txawj ntse, tsis txhob ntxub ntxaug neeg pluag, neeg ruam
53. thaum nas tsuag tom ntiv tes koj mam nco txog tus miv, thaum tub kiv hlob puv tsev koj mam nco txog koj niam koj txiv.
54. ncauj rag ces ntsaws tau, ncauj neeg ces ntsaws tsis tau .
55. Suab neeg nrov tshaj suab ntuj, tham nruab zoo hnov nruab tsuag, tham hauv tsev hnov saum luag.
56. koj lub tsev tsis dav txhob lees kwv tij neej tsa los nyob, koj siab tsis loj txhob mus lees ua pej xeem tus thawj coj.

57. tshuaj lom neeg koj txhob muab cia hauv tsev, neeg siab coob koj txhob yuav los ua kwv ua tij
58. mloog tub luam lus ntau koj yuav poob nyiaj txiag, mloog neeg ua saub lus ntau koj yuav vwm 3 xyoos.
59. sab nraum zoo du dais, sab hauv mas tuaj pos ua kaus ntsais.
60. nrog neeg zoo mus muaj koob meej hwj chim, nrog neeg phem mus poob koob meej laj fab zoo tswv yim.
61. Txhob pab tus neeg khav theeb mom luag txheej txhob tawm tsam tus neeg txawj ntse koj yuav tsis yeej.
62. Noj tsis cuag me yaus, txawj xav tsis cuag neeg laus, lom zem tshaj tsis cuag kev nkauj, kev nraug.
63. Phooj ywg noj mas muaj coob kawg phooj ywg pab mas muaj tsawg .
64. ua luam rau kwv tij neej tsa, txais nyiaj rau txiv neeb, mas poob peevas li xwb.

65. tsiaj zoo yog cev plaub,neeg zoo yog kev txawj ntse, tes dej tes num,neeg siab ncaj ncees xwb.

66. Xaiv tus tsiaj koj ntsia cev plaub, xaiv tub, xaiv nyab koj ntsia niam txiv saib luag keeb kwm.

67. ntuj yuav los nag koj txhob ntseeg hnub 'qub siab muaj zoo ntxhais txhob xav hais tias yuav yog koj tus.

68. ua neeg nyob lub nra nyhav sib pab nqa,muaj mob nkeeg sib saib sib xyuas.

69. koj qhov chaw noj,tsis txhob lam mus nyiag, koj qhov chaw vam khom tsis txhob ua kom muaj kev tu siab.

70. Nyiaj kub nrhiav tau, dej siab dej ntsws nrhiav nyuab kawg kiag.

71. ntuj pheej xeeb nyob nruab siab, ntuj hluav taws nyob ntawm qhov ncauj, ntuj txom nyem nyob ntawm yus ob txhais tes xwb.

72. Nyuj tuag tshuav txwm kub, txiv tuag tshuav tej tub.

73. daim nplooj yoog tus kav, lub noob yoog nws tsav .

74. xav luaj ntug xu luaj nyug, xav luaj teb xu luaj zeb.

75. ncauj dawb hais ncauj lus, taw plob mus taw plus.

76. ib lub quav nas tsuag yuav puas tas ib tsus hno, ib tug ua phem yuav puas tas ib cuab kwv tij phooj ywg.

77. Noj tsis taus yuav tuag, hais tsis taus yuav swb luag

78. Tsiaj tsis hwm tus tswv,tsiaj yuav tuag, tub kiv tsis mloog niam,mloog txiv lus, tub kiv lub neej yuav pluag.

79. Hwm lub ntuj thiaj tau ntuj ntoo, mloog niam mloog txiv tej lus qhia lub neej thiaj yuav nrog luag zoo.

80. Tij vi tam niam tam txiv, niam txiv tam rooj ntug.

81. Noj nceb yuav taug cav, ua tshoob, ua kos ,qua tub ua ntxhais yuav tsum taug kev neej, kev tsav.

82. ua neeg nyob ntaus kev phooj ywg coob tau zoo txoj kev 'dav, tsim muaj yeeb ncuab ntau tau lub chaw ti.
83. ua neeg nyob :muaj tsiv tau t xo j kev pluag, pluag tsiv tau t xo j kev tuag.
84. ua neeg nyob ntiaj teb: ua qoob los npaj rau t xo j kev tshaib, tu tub, tu kiv los npaj rau yav laus.
85. Txiv ntoo nyob chaw siab, nyiaj t xiag nyob tsiv kev
86. Txuag zam ces zam thiaj t shiab, txuag siav ces siav thiaj ntev, txuag nyiaj t xiag thiaj tsis poob ua luag ciav qhev.
87. ib taws sawv tsis ntseg, ib teg npuaj tsis nrov, tsis muaj txig, tsis muaj nkawm, ua lub neej yeej tsis khov.
88. Nplooj tsawb tsis yog ntaub npuag, mab dub suav doog tsis yog koj zoo kwv yaig, kwv luag. ceev faj mog
89. neeg fi nqaij ces fi tsawg, fi lus ces fi ntau kawg.

90. ua neeg nyob. Zoo siv sawv mas tuag nruab deg zoo txiv neej yawg mas yeej tuag hauv poj niam ob ceg xwb.
91. Tus neeg phem : thaum poob nruab deg mas tshua siav kawg, thaum tawm nruab nqhuab mas tshua nuj.
92. tej laus qhia tias: Tub txawg dim chaw muag, qav kaws dim taw tes, tub ruag tau plaub dub.
93. ua neeg nyob. Koj yuav ntse ntse kom txaus luag hwm, koj yuav ruam ruam kom txaus luag hlub.
94. Luj tuag tu noob, tseem tshuav ib tug nyob qab roob, lag tuag tu tsav, tseem tshuav ib tug nyob qab hav
95. Neej tsa. Thaum tseem nyob deb mas haus dej tshua cawv, thaum nyob ze mas rho hluav taws hlawv .
96. pub laus noj, laus nco koj tshav ntuj, pub me yaus noj , me yaus zov nruj.
97. Tu qaib ntsuag tau zoo ncej puab, tu tub ntsuag ua zoo tsam koj tau phem yeeb ncuab.

98. dej ntshiab swb dej nro, neeg phem swb neeg zoo.

99. Txooj qoob tsis zoo ces tsuas yog ib cim, tau txij tau nkawm tsis zoo ces yuav tas nrho koj mus ib sim.

100. dev laus tsis zov loog, neeg laus tsis nqaum plaub.

101. ua neeg nyob laus ces tsis hluas, tuag ces tsis sawv.

102. dej hlob ces zoo dov cav, ntuj qhua ces zoo hlawv toj.

103. ua neeg nyob. Tau zoo ntxov,tau zoo rov,tau zoo lig thiaj yuav kav koj lub neej mus tas ib txhis.

104. Tus neeg dubmuag muaj hwj chim,tus neeg mob txia muaj zoo tswv yim.

105. Tus tsiaj heev nrog nws lub zos,tus neeg heev nrog nom tswv txoj kev cai

106. Tus neeg muaj zog tsis cuag li tus neeg muaj hmoo tus neeg muaj nyiaj tsis cuag li tus neeg muaj zoo tswv yim.

107. muaj vaj tsev zoo, tsis cuag li muaj teb,muaj chaw ua yus teej yus tug.

108. Dev coob dev tom yaj,neeg coob neeg vij vaj.

109. ntoo laus ntoo khoob,neeg laus neeg ua tem toob.

110. ib tsob xyoob twb txawv yas,ob kwv tij yeej txawv siab, txawv ntsws

111. niag kws tshuaj tseem tuag taus tus kab mob, niag kws hlau riam , txuas twb txawj ntais tas.

112. nyuj twm sib nraus ces hav nroj,hav tsuag lwj tas hnub tawm plaws tuaj ces tshav ntuj ci thoob ntiaj teb.

113. ib tug ntoo faj khaum cua ntsawj yeej vau taus, ib plag hav tauj qaib cua tshuab yeej tsis lov li.

114. ua neeg nyob koj tsis txhob qhib ntsa rau cua tshuab, tsis txhob qhib ru rau nag los ntub tsev.

115. yog tias koj siab tsis nyiam lawm txawm yog daim tsom iav los yeej ntsia tsis pom tus duab, yog tias lub plab tsis

tshaib txawm yog nqaij los yeej tsis hnov qab kiag.

116. thaum koj yuav zaum,nco ntsoov xyuas rooj tog thaum koj yuav mus nco ntsoov saib tom ntej,tom qab.

117. koj xav paub, tsa ncauj noog, xav tau tsa tes thov.

118. Neeg thov khawv nws muaj t xo j cai, tus neeg ua tub sab nws muaj lub txim txhaum.

119. txhob deev luag poj nruab paig,txhob nyiag luag qoob nruab txhab, txhob coj luag qhua , teev luag dab.

120. khaws luag qub teb ua, kaws luag qub nroj nthua

121. khaws luag qub ntim, tau luag qub dab chim khaws luag qub hlau tau luag qub dab npau.

122. qhia me nyuam, qhia thaum tseem yau, qhia nkauj nyab, qhia thaum tseem los tshiab tshiab.

123. kwv tij Faib qoob faib thaum tseem nyob nruab teb, Faib ntses faib thaum tseem nyob nruab deg.

124. koj tua hneev koj tsis pom xib xub qab, ua neeg nyob qab ntuj no yus tsis pom yus txoj hmoov zoo li cas.

125. ua neeg nyob ntiaj teb no, lub ntuj siab laj tis ntsuas, tsuas paub hnub nyob, yeej tsis paub hnub yuav tuag.

126. nyiam ua hluas nraug, yuav tsum hlub poj niam tub se me tub,me nyuam, nyiam ua nom,ua tswv yuav tsum hlub kwv tij neej tsa, pej xeem huab hwm.

127. Yog luag poj,luag sev,tsis txhob cev tes kov,yog luag plaub,luag ntug tsis txhob lees ua tus mus thov.

128. Tus kab mob toj taug tsis txhob cia rau hauv tsev,neeg tub sab tsis txhob ntshaw coj los ua koj qhev.

129. neeg Tub sab ncauj ncab, tub nkeeg ncauj ntev.

130. Niam txiv sib ceg tas mas tsis nrauj lub txaj pw kwv tij sib ceg tas mas tsis nrauj tus dab,tus qhua.

131. Pom zoo kub,zoo kaus,txhob tham qhia nom tswv pom zoo txiv neej yawg txhob lam tham qhia poj niam.
132. muab nws roj coj los kib nws txhav,muab nws tes coj los npog nws qhov muag xwb.
133. ntuj yuav los nag vim muaj huab, tau txij nkawm tsis zoo ces ua lub neej yuav piام cuab.
134. Poj niam heev ntug cub, txiv neej heev zoov dub.
135. yus quav tsw yus nthuav yus tiab mus vov, yus xaiv yus lus tsis txhob muab tso rau zej rau zos hnov.
136. kawm txuj,kawm ci muaj hwj chim,khwv nyiaj khwv txiaj coj los npaj lub cuab tsa lub yim.
137. Xab nkab tsis zoo noj, pheej yig tsis zoo yuav, nkauj plees tsis zoo tuav.
138. kub txog luag hauv toj ces zoo saib, kub txog yus hauv toj ces tsis zoo ntsia, txhob thab nkauj fa,nkauj mob txia.

139. xaiv qe tau qe qauj, xaiv nyab tau poj nrauj.xaiv qe tau qe'qaib puag, xaiv vauv tau yawg ntsuag.
140. nkaus hlo tog vaj, tau tus zoo nyab lub siab ncaj, nkaus hlo tog tsev, tau tus zoo vauv lub siav ntev.
141. thaum koj ntov ntoo yuav tsum ua zoo saib ceg qhuav, thaum koj hais lus yuav tsum ua zoo saib neeg.
142. ib ntuj hnub qub pom kev tsis cuag li ib lub hli cuaj leeg tub zoo tsis cuag li ib leeg txiv.
143. koj tsis xav noj los lam nrog luag tuav diav, koj tsis xav luag los lam nrog luag ntxi hniav.
144. muaj zoo nqaij hno tsis muab los noj,ntev mus yuav lwj, muaj zoo txuj ci tsis muab los nthuav qhia cia ntev mus yuav ploj poob tas.
145. koj muaj zoo nyiaj tsis txawj siv muab rau luag siv koj muaj zoo poj niam tsis txawj puag pw,muab rau luag puag pw, kev ruam qauj yog tim yus xwb ntag.

Major Tougeu leepalao lub neej.

- = hais txog cov lus tseem ntsiab ntawm
peb cov lus tso tseg li no.= phau ntawv no
tsim tawm nyob hauv koom haum kab lis
kev cai yog lub 6 hlis xyoo 2003 .
- Tus tshawb fawb yog yawg.

Major.Tougeu leepalao.



Major. Tougeu leepalao

- = kuv Yug lub: 7/20/30 nyob lub zos phvv lwj, Toj xeem
nas vas, moos hmoob xeev kham (xiengkhouang Laos)
- = kuv kawm ntawv los tsuas tiav nqe: P. 3 xeem tau
daim: Certificate xyoo 1950 nyob Phonesavanl(laos)
- = xyoo 1953 kuv kawm kev cai ua tub rog hav zoov
(special guerrilla unit parachute) nyob nyab laj qab teb
lub nroog Capsaint Jacque province in SAIGON south
Vietnam) tau 8 lub hlis mam li kawm tiav.
- = xyoo 1960 kuv kawm ntawv fab kis tiav nqe: P. 6.
thiab xeem tau daim. Certificate. P. 6. nyob xeevkhamb
(xiengkhouang Laos.).
- = xyoo 1961 kuv tau txais lub hwj chim tub rog pawg
pua (soulieutenant) yog huab tais nplog muab.
- = xyoo 1962 kuv mus kawm kev cai ua thawj tswj tub
rog pawg pua nyob pham qhom tau 6 hli, kuv tau txais
lub hwj chim thawj tswj tub rog yog : (Lieutenant).
- = xyoo 1963 kuv mus ua thawj tswj tub rog pawg
txhiab nyob: Banna.zon : 2. A. SL. 15 .specialGuerrilla
unit and A.D.C.
- = xyoo 1965 kuv mus kawm kev cai nyob office staff
thiab kev cai tswj hwm tub rog pawg txhiab nyob looj
ceeb tiav nrog daim : Certificate. Thiab tau txais lub
hwj chim: Capitaine (xab khais tob).
- = xyoo 1966 kuv ua thawj tswj tub rog pawg txhiab
nyob lub nroog moos xuab xeev xas niam. Zon. 12.
B.LS. 184. lub roob tuam phvv lis.
- = xyoo 1967 General Vang Pao hu kom kuv ua xib hwb
qhia tsoom tub rog: S.G.U. and B.O.C. nyob rau lub
yeej moos cuab (camptraining center moung Decha.
SL. 113. (xieng khouang LAOS).

Major. Tougeu leepalao.

687 charles ave.st Paul,M.N 55104. H.
995 universty ave, stpaul,MN55104. w.

= Education: 1950 Lao grade school certificate phone-savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= Experience:

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Samthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.





Hmong Cultural center
995 university. Stpaul,M N 55104
651-917-9937. suit 214.

Ntsiab lus sawm
Txhiaj paub txog niam
Thiab txiv tej lus qhuab
Qhia keeb zeej txoj kev ua
Neeg nyob daim luaj pua
Kom muaj koob meej hwj
Chim nto moo lug mus tas
Sim neej tsis kawg ib zaug
Tus tshawb fawb sau yog.

Major.Tougeu leepalao.